




HORTATIO

Ad amplectendas belii Belgici
Inducias,

Authore IULIANO ROSBECIO.

Anno MDLXVIII.



212

1568

Pro
Oratione Iuliani Rosbecij,
ad Lectorem μέλ & ἀπολογητικόν.



Ratio ista, quam dedit Rosbecius
Placere debet omnibus, quos æquitas
Adspexit, atque in iudicando integritas.
Ipsam locum videtis & Rempublicam,
In qua recens hæc nata dissertatio est?
Domicilium sedesque libertatis est,
Quæ sentiendi mens quod æqua concipit,
Et proferendi liberè quod senserit,
Licentiamque jusque civi dat suo.
Decreta Patrum? quicquid a primordiis
De pace, vel suspensione prælii
Negotiatum huc usque clanculum fuit,
Id ilicò omne dissipatum perfluit
In vulgus: ut non difficulter qui veri
De rebus imperij quis arbitrarier.
Et Patriæ ergo lex, reique nuditas
(Nulli parentis in Monarchico statu)
Calumnie partem bonam represserint.
At alia nubes veritati offunditur
Iam dimovenda. quippe crimini datur,
Hostilitatem verius, quàm Patriæ
Spirare amorem. in posterum quod ne putent,

Orationis

Orationis audiant summarium.

*Rex, Archidux pacta offerunt æquissima
Pacis sequestra. exosculanda humanitas,
Et fas coire. namque si per Ordines
Creabitur conclusioni obstaculum,
Causam fovebimus malam, civilis &
Nosmet manebit pœna sanguinis reos.
Negas? & hosticum calens cor increpas?
O imperite, isthacce qui ROSBECIVM
Suapte credis e cerebro fundere.
Cognosce rem. Recens videtur quæ tibi,
Dudum vetus præjudicata opinio est
Ab arbitris non queislibet (ne replices)
Sed jure nullo quos queas repellere,
Galloq; Britannoque rege, Pacis his
Quos interesse rebus exultavimus.
Quorum favorem opemque per pericula
Reapse egeni sensimus sapissime.
Lucis cura nostri & equitas cor imperat
Vllâ absque circuitione proloqui.
Iis stetisse hanc primitus sententiam,
Oracula vocis aureæ firmant fidem,
Quæ regis emissa ab oratoribus
Solis fuere visa Patribus prius,
Ast omnium jam nunc teruntur ab manu.
Si culpa in his, culpandus & ROSBECIVS,
Quorum ipse testimonia opponit sibi.*

A 2

Plura

*Plura habeo, sed nunc hæc abunde expleverint
Queis mens benigna, & iudicij propensitas.
Sinister ille, affectui obsequens malo,
Nil in solutum quamlibet rectum capit.
Quem tantum abesse a laude vera censeo,
A crimine meus quantum abest ROSBECIVS.*

AD EVNDEM.

QVem bella, civicusque delectat furor,
Et mutuo cruore perpetim madens
Fraternus ensis, non homo dici meretur.
Pax est triumphis una millibus prior,
Pax est bonorum mater omnium ferax,
Alumna cœli, pignus auri pondere
Nullo æstimandum. te vocamus, o diu
Negata Belgis, effer optatum jubar!
Vel si potiri non datur tali bono
Annos per omnes absque metis temporum,
Saltem sequestra pone terminum malis,
Interquiescat horror armorum, quibus
Per lustra jam tot invicem quasi sumus.
Tu Belga, quisquis publico bono studes,
Adverte mentem orationi, quam pio
Succensus œstro dat tibi Rosbecius,
Qui præpotente quum sic eloquentia
Nulli secundus, hinc tamen laudem sibi
Non caprat ullam, seque censer cupit
Amore solo pacis, atque patriæ.

FINIS.



MNES qui aliquo humanitatis sensu ducuntur, quique benevolò animo affecti sunt erga nomen & nationem Belgarum, sicut illacrymari coguntur nostris miseriis & calamitatibus: ita nunc summis in cœlum laudib. efferre debent eximiã illã mansuetudinẽ, incredibilẽq. ac propè divinam animi moderationem, quã Rex Hispaniarum & Serenissimi Archid. impulsì, fasces suæ Majestatis submittūt, nec vllas quãlibet novas & inusitatas condiciones repudiant, dum fessos civilibus bellis populos ad beatum pacis ac tranquillitatis portum provehere ardentibus votis exoptant. Non fuit hoc inceptum humani consilij, sed a cœlesti nutu atque instinctu profectum est. Deus, inquam, O. M. in cuius manu sunt corda Regum, hanc mentem iis divinitus inspiravit. Vix enim vnquam fando auditum est, aut legendo compertum, tantam in tali fastigio demissionem extitisse. Libet sæpiùs iterare quod dixi,

Non hæc humanis opibus, non arte magistrâ

Æneid. 12.

Proveniunt, neque nos mortalis dextera servat,

Maior agit Deus, atque opera ad majora remittit.

Sæpenumero, Auditores, mecum ipse meditari soleo, & præteriti temporis memoriam evolvere, quo si quispiam hos rerum eventus, hanc magnam fortunam prælagire nobis intendisset, non solum vanus augur

augur, sed insulsus & commotæ mentis homo judi-
catus fuisset. Vos rerum temporumque consulti no-
stis me vera loqui. Equidem quò mecum impensius
ipse reputo tanti beneficii magnitudinem, vix eam
animus capere potest, laborque sub onere admiratio-
nis. Hæc enim vnica palma facilè vincit omnes lau-
rus ac triumphos, quum potentissimi Duces cogunt
in ordinem, & publicis vtilitatibus postponunt suos
affectus, frenant libidinem dominandi, quæ solet in
excellentibus naturis sedem regni constituere: com-
pescunt cupiditatem vindictæ, quâ nihil est in pecto-
ribus humanis vehementius, aut quod rectorem æ-
griùs patiatur: iracundiam moderantur, quæ est ini-
mica consilio & sanæ rationi. Principium igitur hu-
ius facti tam præter spem & opinionem hominum
ingentis, fato & cœlesti providentiæ est imputandum.
Tum autem nativa bonitas, quæ præcipua est virtus
heroicarum & illustrium animarum, ad hanc rem
impulsor fuit: parsimonia humani sanguinis, mise-
ricordia pereuntium populorum; salus civium, quæ
suprema lex est actionum præstantissimarum. Non
ego in causâ Patriæ prævaricator, adversariorum pa-
tronus huc accessi. neque verò tutum aut consenta-
neum foret. Tamen illud affirmare audeo, si de ani-
mis eorum vero similiter conjectare velimus, eos be-
nignitate & clementia adductos, non vi aut necesse-
tate compulsos, ad præsentaneam nos Pacis vel In-
duciarum

duciarum pactionem invitasse. Quis enim terror,
quæ vis aut necessitas effecit, ut eò delaberentur ani-
mæ terroris expertes, & corda vinci nescia, nisi vis
fortè lenitatis & clementiæ, quibus ducibus qui se re-
gendum permittit, is, ut cum Plauto loquar, victor
victorum cluet? *In Tri.*
nummo.

*Latius regnes avidum domando
Spiritus, quàm si Libyam remotis
Gadibus iungas, & uterque Pænus
Serviat uni.*
Horap.

Nunquam enim Regum ac Principum sublimitas
celsius assurgit, quàm cum se ob publicam salutem
demittit, secunda magnitudinis suæ, cui nullum im-
pendet ex humilitate discrimen. Hæc laus defuit sum-
mis terrarum Monarchis, qui quum omnia subju-
gassent, cupiditatibus suis succubuerunt, victi ab a-
nimi impotentia, ab iracundia. Quis Alexandro Ma-
gno rebus gestis comparandus est? Domuit gentes
immanitate barbaras, numero infinitas, locis disun-
ctissimas, omni paratu copiarum abundantes. At
cum totum penè orbem infra maiestatem suam cer-
neret, animo imperare & vitis suis ius dicere nequì-
vit. Hinc multa cōtra decus honestatis patravit, dum
vino & irâ victus in amicorum intimos parricidiale
ferrum stringit, ac viros sanctitate morum, & sapien-
tiæ studiis insignes per tormenta scdè trucidari præ-
cipit

cipit. Itaque Cicero

Flos illibatus Populi, Suadaque medulla,

non dubitat in præclarâ illâ pro M. Marcello oratione cunctis bellicis laudibus ac trophæis I. Cæsaris, anteferre clementiam & placabilitatem animi, quod sepositis suspicionibus & offensis, Marcellum Senatui populoque Romano & Reip. concessisset ac redonasset. Igitur nisi turpissimam ingrati animi notam incurrere velimus, immortales gratias & habere & agere debemus serenissimis Principibus, ob tam illustre meritum ac prorsus insperatum, & memorem animum ingentisq; voti reum profiteri. Quum enim omnes & singulæ induciarum ab illustribus Galliarum & Britanniae Legatis propositarum conditiones honestissimæ sunt, Patriæ necessariae, bonis exoptatissimæ; tum vero vna quædam in illis est, quæ supra ceteras caput effert, & a qua eadem omne robur suum atq. firmitatē accipiunt. Nam qui pro Patria nostra in libertatem adserēda tam atrox, tam diuturnum, tam denique calamitosum bellum cum Rege Hispa. gesimus, hac tempestate summam votorum consequi possumus, & non nostra solum opinione ac sensu, sed adversariorum quoq; adsensu, amplissimo Libertatis titulo beneficioque frui. Hæc prima & potissima Induciarum conditio est, quæ non dolosè, aut captioso verborū circuitu, sed disertissimis vocibus, & luce meridianâ clarioribus exprimitur. Felicem
magnam-

magnamque Patriâ isthoc nomine! cuius gloria & am-
plitudo tâta est, vt si dignis eâ præconiis celebrare iubeat,
conantem debilitaret onus.

Quod vsque huc nunquam sperare, vix timidâ voto-
rum nuncupatione efflagitare fiducia fuit:

quod optanti Divum promittere nemo

Æneid. 5.

Auderet, volventa dies en attulit ultro.

Sed quid est? resilit patria formidine plena, & tam ingēs,
tam inusitatū, tam deniq; insperatū beneficium rectis o-
culis intueri, & secura mente arripere nescit. Nā plebeia
mentes quia intellectu non percipiunt naturā heroico-
rum pectorum, in quibus seorsum tam excelsæ virtutes
habitant, falsas nobis causas vanosque metus fingimus,
quasi libertati nostræ per ambitiosam ostentationem, &
imaginariam recognitionē fraus fiat insidiaque paren-
tur. Videlicet in summis felicitatibus, & sorte nimis se-
cunda obstupescit verius humana mens, quam letatur;
quia veretur ne subitū illud bonū repentina calamitas
& miseranda vicissitudo consequatur. Similis quædam
formido, terror aut suspicio nostros homines incessit,
qui, quid hic latere, & quid tam speciosa libertatis reco-
gnitio portendere possit, etiam atque etiam expendunt.
Sed vtinam expendere tantū, & non formido in odiū,
tergiversatio in pervicaciam, cautiones deniq; in scom-
mata & opprobria sceptrorum conversæ essent. Sunt e-
nim nonnulli homines, qui omnia sinistrorsum detor-
quentes, odio & avaritiâ pleni, dictis factisq; conati sunt

B

Ordi-

Ordinibus fucū facere, & turbulēto molimine vniver-
sum pacificationis negotium impedire, quod minimē
erat ferendū. Insidias enim, quas histriones illi se metue-
re simulatē proclamant, non eo vsq; æstimari fas est, vt
earundē causa repudiemus præclaras rerum utilissimarum
conditiones : verū vt consilium capiatur, quī sal-
uā Induciarū spe, dolis & fraudibus multō jam ante ob-
viā eatur. De quo quid ambigimus? Si enim Ordinibus
vigilantissime ad omnia intentis non defuit prudentia,
per quā pericula ex Induciis verosimiliter nascitura pro-
spicerēt: nefas sit dubitare, quin vt in bello, sic & in pace
facilē cavebūt, nequid Resp. detrimenti capiat. Nā in ocio
serio cogitabunt de negotio, quia cum curis solutus est
animus, tum maximē quod verum rectumq; est cernit:
& (quod præ formidine aut sollicitudinibus intellectus
aciem perstringentibus nequibat) venturos rerū exitus
sanis rectisque oculis intuetur. Verum, vt illuc redeam,
mirandum non est, si Pacis omnē mentionem, tanquā
occursum inauspicatæ avis auersentur, præsertim ij, qui-
bus in campo Martio seges & materies est gloriæ, copia-
rū, potētiae & autoritatis: nec desint illis populares ac spe-
ciosæ rationes, queis privati lucri causā imponant impe-
ritæ multitudini, & in invidiam vocent quicquid ab ad-
versa parte tam liberaliter offertur: omni tempore timē-
dos esse Hispanos, præcipuē autē dona ferentes: latere an-
guem in herbā, non fidendum hostibus recōciliatis. hoc
agi, vt resumptis viribus acrius ad pugnam redeant, & ex
improvisō nec opinantes adoriantur. ex adversariorum

opinionē fidem hereticis atque rebellibus non servandā.
denique ea quæ sunt juris regij, majestatis & supremæ re-
rum potestatis, nulla pactione cedi posse, nullo tempore
præscribi. Quid multa? Causas omnes curiosa indagine
vestigant, quibus ad diffidentiam, tanquam ad vnicum
securitatis asylum suos deducant, nequid usquā tutum,
nequid sanctum & inviolatum esse arbitrētur. Nihil mi-
hi factu promptius esset, quam ad singula respondere.
Sed ne in nimis longum excreſcat oratio, satis sit perso-
nam histrionicam detegere, & animos sub vulpe laten-
tes in lucem atque sub aspectum proferre. Haud dubiè
enim eos, qui sic in hac rerum temporumque scena ser-
mocinantur, non ex incorrupto animorum sensu loqui
existimandū est, sed partim aliorū præjudicatis opinio-
nibus velut æstu quodā abripi, & instar pecudum sequi
antecedentiū gregē; partim sub velo boni publici, quod
est mātile & everriculum multarū malitiarum, suā rem
agere, & privatis cōmodis atq; utilitatibus studere, quæ
semper offecēre & officient publicis consiliis. Satius
foret, vt sepositis aliis cogitationibus, omnem curam,
prudentiam & ingenij solertiam in commune bonum
dirigerent, ac serio tandem meditarentur finire miseras,
quibuscum per tot annos infelix patria conflictatur.
Metuere liceat, sapere libeat, & formido nostra nō ab va-
nissīma rerum imagine, longeque petitis suspicionum
portētis, sed a rectis judiciis & publicæ incolumitatis re-
spectu, modèramen accipiat. Sed nec fortunæ prosperi-

tas, aut virium nostrarū fiducia spiritus attollat. Nunquā
enim magis de bello finiēdo cogitandū, quam post vi-
ctorias ac triumphos; quo scilicet tempore præclaris fir-
misq; pactiōibus & legibus pacis cōsulēdi Patriæ fa-
cultas datur. Quo nobis ante alios maiore animorū pro-
pensione inclinandum arbitror, quippe qui non nostro
solum Marte, sed externis præsertim copiis atq; opibus
adjuti, bellum hæctenus gelsimus cum potētissimo ter-
rarum monarcha. Quanquam si Resp. nostra tam bene
esset cōstituta, vt ad belli continuationē propriæ nostræ
facultates & vires sufficerent, non esset prudentium certa
pro incertis mutare, cum tam multiplices sint vitæ ca-
sus, tam anceps alea rerum humanarū, vt frequentius ex
transverso incurrant quæ non formidamus, quam quæ
iucundæ opinionis palpo nobis imaginamur. Procliuissi-
mū est homini temerario & incircūspecto honestas In-
duciarū Pacisve conditiones aspernari. Cuius etiam im-
belliatque ignavo licet inchoare bellum: sed ægerrime
desinit, nec in ejusdē illius manu est auspiciū & finis. In-
cipit, cum alterutri partiū displicet pax, & pruriunt cor-
nua. Desinit arbitrato victoris, aut alterius internecione.
Vnius horulæ momētum, vniusque prælii fortuna sub-
vertere potest quicquid magno moli mine per plures an-
nos exædificatum est. Nusquam minus quam in Martis
certamine eventus respondent. ἡμισα γὰρ ὁ πόλεμος ἐπὶ ῥη-
τοῖς χωρεῖ, ait Thucidides. Etiam optime deliberata & pru-
denter administrata non raro sortiuntur infelicem exi-
tum

tum. Non enim eodem animo de bello gerendo consul-
tatur, quo ad gerendum acceditur. Facile est enim ho-
mini togato replere Curiam verbis, quæ tuto volant

dum distinet hostem

Æneid. 9.

Agger murorum, nec inundant sanguine fossæ.

Sed cum in rem præsentē veniendum est, & manus con-
ferendæ cum hostibus, illic virium nō eloquij certamen
cernitur, illic animi nō cōsiliij præsentia requiritur. Adde
quod & fortissimum quemque Mars pignerari solet,

Mors & fugacem persequitur virum,

Horat.

Nec parcat imbellis iuventæ

Poplitibus, timidoque tergo.

Quantæ ergo temeritatis fuerit, imo demētix, quum tā-
to simus adversariis inferiores, sive dignitatē consideres,
sive potentiam, superbo fastu aspernari tam utilem, tam
honestā, tam deniq; tutam conditionē? Tutam aio, quia
sincero affectu, citraq; fallaciā nobis eam propinari cen-
seo. Enimvero nisi Rex Hisp. & Archiduces affectu & vo-
luntate cum pastore populorum & rege regum Aga-
memnone conspirarent, qui aiebat,

ἀλλοιμ' ἐγὼ λαὸν σὸν ἔμμεναι ἢ ἀπολέσθαι.

*a Vclo ego
populum
salvum esse
potius quam
perire.*

nulla vi vnquam, nullo metu adducti essent, vt ex æquo
cum hostibus suis paciscendi gratiā ex folio in planum
descenderēt. Errat enim largiter, & hostium vires ac po-
tentiam nimis imprudenter æstimat, si quis putat eos in
huiusmodi rerum angustias esse coniectos, vt inferiori-
bus Majestāte sua conditionibus angustam existimatio-

B 3

nem

nem fœdare cogantur. Sed videlicet (quidni enim liceat
& in hoste laudare virtutē?) stimulavit eos bonū publi-
cum, a quo vinci pulcherrimū est victoriæ genus. Vtinā
redire lubeat in memoriā præteritorum, quibus nempe
seriò bonaque fide discussis, proniores essemus ad cupi-
dè arripiendas rerum præstantissimarum cōmoditates,
quæ nobis divinitus offeruntur. Vtinā sine partium stu-
dio, sine gratia vel odio, pessimis cōsulendi arbitris, nu-
dā veritatem levato opinionum velo cōtemplari, sanisq;
judiciis a falso fœcernere valeamus. Sed nec decorum est
homini privato, nec tutum subdito vocare in dubium
fundamenta publicæ causæ. Fuerit quædam maior vis,
quædam cælo missa calamitas, & ineluctabilis factorum
series, quæ miseros cives

Æneid. 1.

Omniibus exhaustos iam casibus, omnium egenos

a Allusum

ad

Ἰλιάδ. β.

Irreconcili-

abile appe-

tere aut ge-

rere bellū.

ad arma funesta protraxit. an ideo necesse est in perpe-
tuum ac sine vlla respiratione ἀποκτον πόλεμον πολεμίζειν ἢ δὲ
μαχέσθαι? Nam quis erit modus læviendi in mutuā per-
niciem? grassandi in Patriæ viscera? fundendi fraternū
sanguinem? Quando tandem finem videbimus tot ma-
lorum & exitiorum, quæ iam per annos 40, & quod ex-
currit, nos minutis ictibus cædunt, vt perire nos cotidie
sentiamus, vel quod deterius est, ne sentiamus quidem?
Nam si seriò morbum agnosceremus, & nisi longa pa-
tiendi consuetudo callum sensibus obduxisset, ad me-
dicinam ægra Patria confugeret, nec remedia vltro ob-
lata rejiceret atq; aspernaretur. Omne bellum per se mi-
serum

ferum est & calamitosum: nullum infelicius bello civi-
li & intestino.

a ἀφρήτωρ, ἀθέμιτος, ἀνέσις ἐστὶν ἐκείνῳ,
ὅς πολέμῳ ἔρχεται ἐπιδημίας ὀκρυομένη.

a Gente fo-
coquetarce,
nec fas aus
sædera no-
vis, Qui
civis inter
cupit exiti-
abile bellū.

Is est ex numero civium ejiciendus, imo ex finibus natu-
ræ humanæ exterminandus, tanquam monstrum quod
lustru piari solet, & in ultimas terrarum oras deportari,
quem discordiæ, quem cædes civium sua sponte dele-
ctant. Pia & sancta bella Christianorum non ad interne-
cionem contrariæ partis spectare debent, sed hunc scopū
oportet esse propositū, vt laurea triumphī cedat Palladis
olivæ, nec aliud armorū præsidio quærat, quam vt in
pace securè vivere liceat. Huc vt pertingat Resp. nostra,
num auspicius tempus exoriri queat, quam quod no-
bis in præsentia non sine nutu divini numinis obtingit?
Summi Principes & latissimè regnantes domini pertœ-
si tot acerba calūm & calamitatum, quæ civilibus bellis
indivulsæ comites adhærent, eò maiestatem suam deji-
ciunt, vt ne quidē conditiones nimisquam exorbitantes
& absonas subire vereantur, modo vel per imminutionē
suæ maiestatis via muniatur ad Sacellum Divæ Pacis.
Etsi Reges nunquā majores sunt & augustiores, quam
cū sese ad humanitatis officia comiter submittūt. Neq;
enim tali fastigio vilū imminet a benignitate periculū.
Semper illos celsitudo sua comitatur, ac nihil detrimēti
capere potest vera magnitudo Heroum καὶ διορρεφέων βασι-
λεῶν, licet æquas cū inferioribus pactiōes inire dignētur

b Ab Iove
nutrito-
rum regum

Nullā

Nulla re mortales accedunt propius ad divinæ naturæ
similitudinem, quam ignoscendo lapsis, obliviscendo
injuriarum, consolando afflicto, denique salutē impar-
tiendo quā plurimis, & servando etiam servari nolentes.
Humanitas & clementia hominem cœlo adserit: &, ut
olim acclamabāt Athenienses Pōpeio urbē ingredienti,

a Quæstus
des homo

vocari, di-
gnus es dici
Deus. Plu-

sarch. in
vita Pomp.

b Quæis
populi com-
missa salus
atq; ardua
rerum.

Ιλιάδ. β.

c Ab Iove
Regis honos
hunc diligit
ipse Deum
Rex.

Ιλιάδ. β.

a ἐφ' ὅσον ἄνθρωπον οἶδας, ἐπὶ τόσῳ εἰ θεός.

Sceptrigeros Reges etiam invitos subsequitur sua maje-
stas. Procul eos summovent ab invidia & contemptu
non solum fasces Imperij,

b οἷς λαοὶ τ' ἐπιτετράφεται, καὶ τόσα μέμλε.

verum etiam ipse Deus, qui Reges & Regum apices sa-
cro honore excolit.

c Τιμὴ δ' ἐκ Διὸς ἐστὶ, φιλεῖ δὲ ἐμψύχῳ Ζεὺς.

Quin ergo cognoscimus felicitatem nostram ex Regali
atque Archiducali mansuetudine prognatā? Quin quod
fata & Principum benignitas vocant, fausto pede imus?
& projectis infelicibus telis, dexteris fidei & amicitiae
sacras jungimus cum nostro sanguine, cum fratribus, qui
& linguæ consortio, & patriæ societate, & sanctissimæ
necessitudinis pignore sunt nobis conjuncti? Sed videli-
cet ut in corporibus hominū quidā sunt morbi, qui stu-
pore sensum præpediunt, ut ciborū suavitatem degusta-
re non valeant: ita nos fatali quodam malo perstringen-
te mentis aciem, bona nostra non intelligimus, & obse-
quentē fortunā ultro nobis oblatam intromittere non
dignamur. Insidias metuere fingimus, ingeniosique su-
mus

mus in exaggerādis causis malignarū suspicionum, ne pa-
cis vnquā ægra Patria compos evadat: quæ tamē sola po-
test mederi rebus afflictis, & honori pristino restituere
spes opesq; Belgarum. Plato princeps ingenij ac doctrinæ
literis prodidit apud Arcadiæ populos anniversarium sa-
crificiū Lycæo Iovi soliturn esse celebrari, in quo tum alia
quædā animalia, tum etiā vivi homines immolabantur:
quorum carnes & viscera promiscuē cum visceribus alio-
rum animantium mixta, ad epulandum cōvivis appone-
bantur. Cui autē obtigerat humanis carnibus vesci, in lu-
pum eum trāsformari credebāt, & cum eo genere ferarum
per saltus ac nemora divagari. Huc nimirū spectat fabula
ad effigiē naturæ & veritatis accōmodata, vt perspicuum
fieret eos qui semel incepissent cædibus & mutua inter-
necione grassari, naturā ipsā exuere, & in agrestes imma-
nesq; belluas degenerare. Mithridatē etiam Ponti regem
ferunt quū se cōtinenter antidotis adversus venena præ-
muniret, hoc tandē effecisse, vt in naturā consuetudo mu-
taretur, nec sibi sumptis mortiferis potionibus necē affer-
re posset etiam quum omnino mori decrevisset. Vix ad-
duci possumus vt fidē habeamus priscis scriptotibus, cum
talia legimus cōsignata monumentis historiarum. Sed in-
credulitatē eierabimus, & admirationis desinemus, si bo-
na fide velimus in nosmet ipsi inquirere, & feriātē nostro-
rum morum atque temporum rectis oculis contemplari.
Quot quisq; enim nostrum est, quē immania hæc bella
non adeo efferārunt, vt & malo suo gaudeat, & omnem
C huma-

humanitatis sensum ex animo eiecisse videatur? Quum
nihil sit in rebus mortalium & nomine pacis dulcius, &
re ipsa magis salutare, magisque consentaneum cum offi-
cio & ingenio humanę naturę: tamen ita plerique obdu-
ruimus ad miseras & calamitates nostras, ut solum Pacis
& Induciarum appellationem, tanquā infames scopulos,
aut sinistri ominis augurium exhorrescamus. Quod ex eo
facile liquet, quod non contenti humanissimā declarati-
one, qua Status unitarum provinciarum agnoscitur po-
pulus liber & αὐτόνομος, cui pro arbitratu liceat uti suis le-
gibus, suis moribus atq; institutis; postulavimus incivi-
les quasdam cessionum formulas, quę nihil utilitatis aut
cōmodi afferebant, præter dedecus & opprobriū scepro-
rum: ut facile cuivis homini non prorsus excordi appa-
reret nihil aliud quæri, quam ut hac monstrosa petitione
negotiatio disturbaretur. Si male vellem ominari Patrię,
non possem quidquā infautius nostris hominibus im-
precari, quā ut in tali pervicacia & importunitate perseve-
rent, utq; per improbitatem ea cuncta tandē consequan-
tur quę flagitant, & his etiam plura. Nam si in cœlo Deus
est inspector & arbiter humanarū rerum, qui maiestatem
Regum adserit, & Nemesis sanguineo armatam flagello
gentibus immittit, ad puniendum spes nimis elatas atque
immoderatas, non est dubium quin gravis exitus incum-
bat cervicibus eorum, qui tam intemperanter sceptris il-
ludunt, dum eas condiciones populi olim subditi Serenissi-
mis terrarum dominis deposcunt, quas nemo privatus
subire

subire in animum induceret.

Evertere domos totas optantibus ipsis

*Dij faciles. nocitura toga, nocitura petuntur
Militia.*


Juvenal.

Vt olim fatuus ille Phrygiæ rex Midas, qui pretioso con-
tactu omnia cōvertebat in aurū, inter medias opes inops,
hoc ipso gravē ærumnam incurrit, quod voti compos a
Baccho redditus esset: ita nos vitiis nostris & discordi li-
bertate cōcidemus, si ad metā omnium male optatorum
pervenerimus. Quā bene in nos congruit, quod de P. Ro-
mano affirmat apud Tacitum Galba Imperator in aurea *1. Hist.*
oratione qua Pisonem adoptavit? nec totā servitutem pa-
ti possumus, nec totam libertatem. Queri solemus de Re-
gum Ducumq; inclementia. Sed eorū qui parent ingenia
sæpe huic incōmodo mederi queunt, si cōpescant ardorē
nimiae & effusæ libertatis, & obsequium cum securitate
malint, quā cum perniciē cōtumaciam dedignationēque
parendi. Quoniam in eum sermonē nos occasio deduxit
non possum quin orationi intexā aureas voces T. Quin-
ctij Flamini, quas tanquā ex oraculo effatus, & non solū *Livius 33.
lib.*
Græcis, sed nostris quoq; Ordinibus, qui summæ rei præ-
sunt, arrectis auribus hauriendas, & intimis sensibus defi-
gendas observandasque proposuisse videtur.

*Libertate modicè utantur. temperatam eam salubrem & singulis & civitatibus esse. ni-
miam & aliis gravem, & ipsis qui habeant effrenatam ac præcipitem esse. Concordia in ci-
vitatibus Principes ac Ordines inter se, & in comune omnes civitates consulerent. Adver-
sus consentientes nec regem quemquam satis validum, nec tyrannum fore, discordiam & se-
ditionem omnia oportuna insidiariis facere: quum pars qua domestico certamine inferior
sit, externo potius se applicet, quam civi cedat.*

Quare

Quare si dubitamus mentem in melius flectere, quo
tamen consilio nullum salubrius eligere possumus,
semperque integrum est viro sapienti poenitere: saltem
fruamur beneficio Induciarum, quas si temperanter bo-
bonaq; fide habuerimus, optima spe sustentor fore, vt ex-
inde pax æterna & inviolabilis consequatur: cuius sensus
tanto suavior erit, quo sævioribus bellorum procellis per
tot annos jactati fuimus. Quid enim ultra tendimus? An
nō jam satis intepuit ferrum mutuo fratrum & popularium
sanguine? Quin positis in cōmune odiis, manus infestas
vertimus in juratū illum hostē Christianarū gentium, qui
florentissimis Europę regnis exitium, aut servitutē quavis
morte atrociorē minitatur, dum validas vires in Patriæ
viscera cōvertimus, & atterimur civilibus bellis? Illic seges
& materies est uberrimæ laudis. Illic in omnem eventum
patet campus ad sempiternā gloriam. Aut enim honesta
mors immortalitate donabit victos in tam præclaro cer-
tamine, aut parata erit palma victoribus. Hæc verè sacra
militia est, propagare decus ac dignitatē nominis Christi-
ani, Turcis & infidelibus bella parare, qui non tam sua
virtute, quam nostris discordiis formidabiles & potentis-
simi evasere. Si hæc nostra fortitudo exercitata cadibus
consanguineorū populorum, sese in capita ac perniciem
cōmunium hostium effunderet: non est dubitandū, quin
hujusmodi pios conatus Deus ille exercituum fausto sit
exoptatoque fine terminaturus. Dixi.



quo
us,
em
bo-
ex-
sus
per
An
um
stas
qui
vis
riæ
ges
um
sta
er-
era
sti-
sua
tis
uis
em
nin
sit